



Rezilta, E Rezilta : Se Sa Ki Konte

Parti US pe trenn dan tou labou pou rod manyer kritik Prezidan Ramkalawan e Gouvernman LDS. I enteresan pou war ki ni Prezidan, ni LDS, pa pe fatig zot pou reponn sa bann kritik. De lot kote, Gouvernman pe prouv son lekor e reponn kritik senpleman par aport rezilta.

US in zour apre zour kritik program Gouvernman kont kovid. Dapre zot, napa program. Vaksen pa bon. Vaksen pe al tro dousman. Prezidan pa'n ganyen sa 100 mil vaksen Moderna ki i ti dir in ganny promet.

Me la realite se ki Prezidan in ganyen vaksen, byen lontan avan ki la gran mazorite pei, enkli Lerop, in ganny vaksen. Program vaksinasyon dan Sesel i lwen devan, o-mwen trwazyenm dan lemond. A se zour, en mazorite dimoun in pran omwen en doz e programm i lo target. Ki zot annan pou kritike.

Lot kritik, ti devre "lock-down". Me Gouvernman pe met gran zefor dan kontenir sa maladi e gard lekonomi ouver

an menm tan. I pe reisir. US i le fermen pou tou aktivite bloke e apre zot a blanm gouvernman pou fer martir Seselwa.

Lot rezilta enportan se relansman lendistri touris. Gouvernman i on-target pou fer sa. Sa i pou en lakle dan refer lekonomi e asir ki normalite i komans retournen dan Sesel.

Letan LDS ti dan lopoziyon, zot ti demann bokou kestyon lo bann lenvestisman Arab dan pei ensi ki lezot privez ki zot ti ganyen anba ansyen gouvernman. Lopoziyon sa lepok pa ti ganny okenn koperasyon gouvernman e zot ti anmenn en politik konmkwa lopoziyon ti kont Arab. Zot ti menm dir ki si LDS ti vin o-pouvwar, lalinny aeryen Etihad e lezot envestiser Arab ti pou kit pei e ale.

Letan zot realize ki Prezidan Ramkalawan pe devlop en relasyon pros e amikal avek bann dirizan Lemira Arab Ini (UAE) kot Sesel pe benefisyé, zot pe kriy lasasen. Sa de vizit ki Prezidan in fer UAE in anmenn bokou pour pei. Sesel in ganny vaksen dan son lalit kont Covid-19, lopital pour bann Digwa, proze Sant Reabilitasyon in ariv



Prezidan Ramkalawan, en dirizan ki pa per pour pran desizyon e diriz Sesel ver en meyer lavenir

dan en staz avanse, dele enn-an dan peyman det nou lalinny aeryen nasyonal e negosyasyon pour sipor bidzeter pe ganny finalize. Sa bann sikse i trakas bann dirizan US aköz zot oule vwar Prezidan Ramkalawan pa reisir pour tou zanfan Seselwa. Napa lipou ki zot pa pe rode.

Zot swadizan konsernen kwa ki gouvernman LDS pour donn UAE an retour pour lasistants. Zot in menm met devan

konsern souverennete pei aköz dapre zot sipor bidzeter i met souverennete pei an-koz.

La realite i ki Prezidan Ramkalawan pe byen debrouye avek en katastrof. Sa ki Gouvernman US in fer an 2020 in montre ki zot ti pou senpleman anmenn plis katastrof si zot ti pou dan son plas.

Se rezilta ki konte, e rezilta i annan. Se rezilta ki pou reponn kritik.

Parti trwa mousketer pa oule linite



Sa trwa mousketer, i le kre dezord dan Sesel

Malgre bokou lapel par kandida US (United Seychelles) pour linite nasyonal dan dernyen kanpanny eleksyon, bann nouvo lidere parti in fer resorti ki zot pa krwar ditou ladan. Rezon ki zot in donnen dan zot dernyen konferans-de-pres se ki i annan diferans fondamental ant polisi gouvernman e polisi zot parti. Lider parti, Msye Patrick Herminie, son depite, Msye Jacquelin Dugasse e Sekreter Zener-

al Msye Dick Esparon in fortman kritik polisi gouvernman an dizan ki zot totalman kont sa prensip neoliberal. US pou reste, dapre zot, en mouvman progresis.

En sistenm neoliberal i senpleman enn kot i annan separasyon pouvwar, en zidisyer endepandan e kot bann diferan brans gouvernman i maintenir vizilans lo performans lezot e kot lalwa i siprenm; an dot mo, en 'eta de drwa'. US i krwar ladan e defann (*kontinyasyon lo paz 2*)

Parti trwa mousketer pa oule linite

sa bann prensip a bra kase. Sepandan olye met lanfazyon pou elev prodiktivite endividyel sak sitwayen pou kree larises pour pei, zot determinen pour maintenir en sitiasyon kot gouvènmàn i kontinyelman met resours a dispozisyon son sitwayen e fer zot reste depandan menm dan en sitiasyon kot lekonomi nepli soutenab. Se pour sa rezon ki zot pe kontinyelman blanm gouvènmàn konm kwa zot sipòt gro biznes san realize ki se biznes e prodiktivite endividyel ki anrisir pei.

Sepandan direksyon politik sa trwa mousketer i anmenn bokou konfizyon. Zot

in pas bokou letan blanm gouvènmàn an dizan ki nouvo ladministrasyon in pran en latitud otokratik. Sa bann dimoun i vremen konfize. US i sel parti politik dan listwar Sesel ki'n ganny plis ki 2-èrdtan lo televizyon nasyonal pour en konferans-de-pres. Menm dan letan kanpanyan zanmen en parti politik in ganny sitan letan lo televizyon nasyonal. Bannla i vremen konfize e zot pa vremen konnen ki zot pe fer. Dan konferans-de-pres, Dokter Herminie ti dir: «US i angaz son lekòr pour mobiliz travayer pour debout for kont sa gouvènmàn otokratik e liberal». Seryezman? Otokratik e liberal? Sa boug i annan zis en lentansyon: kree dezòrd dan pei.

US in donn bal dan kontra servis piblik

Premye Sekreter pou servis piblik dan biro prezidan in donn en lesplikasyon byen kler lo sistèm kontra dan servis piblik. In fer sa dan Lasanble Nasyonal ler i ti pe reponn kestasyon apropo bidze 2021. Son larepons in sok lopoziyon akòz zot ti pe servi sa zafer kontra pour senm konfizyon dan popilasyon.

En kontra pa vedir lanplwa kontini. Kontra dan servis piblik i en lagremàn ant gouvènmàn e en sitwayen profesyonnel pour en letan defini. Ler kontra i ekspire, ni gouvènmàn e ni sa profesyonnel napa lobligasyon renouvl sa kontra. Ni enn, ni lot napa lobligasyon donn okenn lesplikasyon akòz enn ou lot pa oule renouvl sa kontra. Ler kontra i terminen; langzman i terminen.

Sa lesplikasyon ti tre neser pou eklèsi piblik Seselwa e in osi ede met en lafen avek sa kankan kontra ki US in komansé i annan enpe letan. Pa renouvl kontra en endividu pa vedir diskriminasyon. Ler en kontra i fini; i fini. Pwen final. Gouvènmàn napa okenn lobligasyon pour donn lesplikasyon akòz en kontra pa ganny renouvl. Sa ki trakasan se la fason kontra servis piblik in ganny mal administre anba gouvènmàn US.

Dan politik, latab i vire

Lider parti US in fer kler ki 'dan politik latab i vire'. Nou tou nou konnen sa i toultan le ka. Sesel, depi 1977 i fer premye fwa ki i annan en sanzman gouvènmàn. Pour 43-an, Seselwa in ganny dirize par SPUP/SPPF/Parti Lepep/US. Se selman an Oktob lannen pase ki Seselwa in elekte en nouvo gouvènmàn atraver bwat vote. Sa in sok bann ki ti krwar ki diriz Sesel i zot drwa lezitim. I normal alor ki bann dirizan US i santi zot friste akòz zot in toultan krwar byennet sa pep i depan antyerman lo zot. Depi ki nouvo ladministrasyon in pran lofis, bann lidèr US in perdi bokou privilez e zot ankoler amor. An rezilta sa, zot in lans en kanpanya laenn vizavi nouvo gouvènmàn.

Nouvo lider US in menase ki Seselwa pou dezorme vwar en nouvo US. Latab in vremen vire. Ozordi zour, LDS i annan en mazoritè absoli dan parlman. Pour apepre 40-an, US ti annan en mazoritè absoli dan parlman kot zot ti amann konstitisyon e sanz lalwa dan zot prop lentere politik. Ozordi, zot konpran byen lenplikasyon en mazoritè absoli e zot trakase ki LDS pou rann zot laparey. Zot in sitan fer dan lepase ki



Sipòter LDS pe selebre viktwar absoli dan toulede eleksyon fer an Oktob lannen pase


ozordi ler latab in vire, zot per. Zot vwar viktimizasyon partou. Sa ki pli enteresan se zot pe komans blanm LDS pour zot filozofi 'ek nou, pa ek nou'. Seselwa i apel sa 'manz bannann e zet lapo lo ou vwazen'.

Erezman pour Sesel, gouvènmàn LDS pe prouve pou dir sel kriter determinan pour progre endividyel se loportinite egal pour tou son sitwayen. Enteresaman, Sekreter Zeneral parti in fer resorti ki san US pour napa lademokrasi dan Sesel. Malerezman, listwar resan son parti i demontre en realite totalman diferan. Zot lafreyer ki zot a ganny rann laparey pe vremen trakas zot me zot pa devret trakase. LDS in lager pour anmenn lademokrasi Sesel e meyer keksoz pour zot fer se profit lokazyon pour zot osi epanouir.

Sesel pou prodwir son prop zepis

Sesel pour tre byento komans prodiksyon zonnnon, lay avek zennan lo Coetivy. Sa i swiv en nouvo program kolaborasyon ant lotoritè prizòn e Lakonpanyen Devlopman Zil, IDC. In anonse ki dan en nouvo proze, prizonnien pour ganny anmennen lo zil pou fer prodiksyon sa bann zepis. Sa lanons ti ganny fer dan en konferans-de-pres sa semenn.

Sa nouvo linisyativ a ede pour koup lo lenportasyon bann prodwi agrikol sirtou



Minis Fonseca in fer resorti ki lentansyon se osi pou enkilke dan prizonnien sa latitud pozitiv vizavi travay

dan sa moman kriz kot pei i oblize koup lo deviz etranzer.

Minis pou Zafer Entèrn ki responsab pour prizòn, Msye Roy Fonseca, in fer resorti ki lentansyon se osi pou enkilke dan prizonnien sa latitud pozitiv vizavi travay. Sa i an linny avek polisi gouvènmàn pou fer ki tou sitwayen i vin pli prodiktif e kontribye anver kreasyon larises nasyonal.



Zil Coetivy